

ըր կռանալով ամենակեղծաւոր եւ հաճելի խօսքեր ասել նրա երեսին — «աղա՛ ջան», «տէր իմ եւ հրամայող», «աչքիս լոյս», «հոգիս», «մենք ամէնքս քո ստրուկներն ենք» եւ այլն: Վա՛յ, եթէ բռնկէր նրա բարկութիւնը. անմիջապէս եւ անխնայօրէն իրենց գործը պիտի տեսնէին մտրակը, դաշոյնը, սուրը եւ կամ ինչ որ ձեռքն ընկնէր: Բայց մինչեւ իսկ վերոյիշեալ ծառաները, որոնք այլ պաշտօն չունին քան եթէ իրենց տիրոջ ոտներն ու ձեռները լուանալ ու ծխամորճ մատուցանել, նրանք էլ պահանջուած էին, որ իրենց հանդէպ եւս ցոյց տրուին հնազանդութեան այսպիսի ապացոյցներ» (Ա. 195-196):

Արովեանի այս խօսքերին Հաքստատուզէն իր կողմից աւելացնում է հետեւալը.—

«Եթէ հակառակ թաթարական այս կամայականութեան, հայերի մէջ այնուամենայնիւ գտնել կարելի էր հարստութիւն, մինչեւ իսկ պերճանք, որ հայերը այնտեղ, ուր միայն կարող էին եւ ոյժ ունէին, պաշտպանում էին իրենք զիրենք, որ նրանք այս կամ այն գէպքում մինչեւ իսկ մի չար խանի կամ սարքիարի էին սպանում(?), որ հայերը ինչպէս մի հաւաքական ժողովուրդ հանդէս էին դալիս օտար ժողովուրդի (պարսիկների) հանդէպ, այդ էլ դիւրաւ հասկանալի է»:

Ի՞նչ փաստական տուեալներ է հաղորդում Հաքստատուզէն, անշուշտ աննկով Արովեանից, պարսկական տուրքերի քանակի մասին այն ժամանակները:

Իսկապէս բարձր չէին այն տուրքերը, որ պարսից Շահն էր իր կողմից սահմանում՝ մի երկիր զբաւելուց յետոյ, — ասում է Հաքստատուզէն: Վերջին ժամանակները Քանաքեռում միայն 50-60 ընտանիք են եղել, որոնք իրենց տների, այգիների եւ դինու համար միասին վճարելիս են եղել 25-ական թուման (75 արծաթ ուրբի, բայց այն ժամանակուայ դրամի բարձր արժէքով՝ 100 արծաթ ուրբի): Հացահատիկից պիտի տրուէր տասնորդը: Բայց այդ տուրքը չէր առնուած խուրճերով, այլ՝ միայն կասելուց յետոյ, մէկ տասներորդը: Սարքիարը հաւաքել էր տալիս ամբողջ հացահատիկը կալի մէջ մի տեղ եւ անմիջապէս անտում տուրքի բաժինը:

«Բայց նա չէր գոհանում տասանորդով,

ուր որ լուրջ դիմադրութեան չէր հանդիպում, այլ՝ առնում էր մէկ հինգերորդը, մէկ չորրորդը, այո՛, երբեմն մինչեւ իսկ մէկ երրորդը:

«Նախկին սարգարը սկիզբը պահանջելիս է եղել 100 թուման՝ այգիներից եւ դինուց, հացահատիկի էլ մէկ երրորդ մասը (ինչպէս ամբողջ Պարսկաստանում), իսկ յետոյ սկսել է գոհանալ 80 թումանով եւ հացահատիկի մէկ երրորդով: Տեսնում ենք ուրեմն, որ այդ հարկերը սովորական չէին, այլ կրում էին նուաճման տուրքի (Tribut) բընոյթ: Եւ այդ տուրքերը բարձրացնում էին՝ որչափ հնարաւորութիւն ունէին: Երբեմն էլ սակարկում էին եւ զիջում»:

Ինչ վերաբերում է բուն Պարսկաստանի հողային եւ հարկային պայմաններին, այդ մասին Հաքստատուզէն հաղորդում է հետեւալը.—

«Այստեղ ամբողջ հողը դիւուրում է որպէս Շահի սեփականութիւն: Գոյութիւն ունի հողային անուականութիւն, որին Շահը ի անօրինութիւն է տալիս հողամասեր, նրանց ազատելով տուրքերից (միայն՝ եթէ այս կամ այն կտոր վարելահողի վրայ ցորեն է ցանուած, պարտաւոր են հունձի մէկ երրորդը Շահին տալ): Դրա փոխարէն նրանք պատերազմական ծառայութիւններ են մատուցում Շահին: Մնացած ամբողջ հողից, որ քաղաքների ու գիւղերի բնակիչների ձեռքում է գտնուում, համաձայն օրէնքի՝ Շահը պիտի ստանայ հունձի մէկ երրորդը, անասուններից էլ դրամահարկ. որ է՝ մէկ հատ ձիուց կամ արջառից՝ 1 թանաքատ (պրուսական դրամով՝ մօտ 5 արծաթ դրօշ), 1 ոչխարից կամ այծից՝ 1 արբասի (2 արծաթ դրօշ): Տասը հաւից էլ մէկը պիտի տրուի: Իսկ բազերը, սագերը եւ այլն՝ ազատ են տուրքից»:

Այս ամէնը կատարուած էր ոչ թէ հարկահաւաք պաշտօնեաների ձեռքով, այլ սարգարների միջոցով: Ամէն մի առանձին դէպքում սահմանուած էր, թէ հաւաքելի տուրքերից ի՞նչքան պիտի զրկուի Շահին: Սարգարը իր կողմից կապալով էր տալիս հարկահաւաքութիւնը: Սրանք էլ իրենց կողմից էին անսահման բռնութեան եւ կեղեքման ենթարկում զիւղայիններին: Այնպէս որ «անձնապէս ազատ